

## 六十如理论

龙树菩萨造

敬礼妙音童子

为应以何法，能断诸生灭，敬礼释迦尊，宣说缘起义。

1.何者由慧故，无住灭离相，如是缘起义，甚深证无得。

2.若遮法无性，诸过失根本，今以何正理，遮除亦相等。

3.如稚者分别，法成实有性；无性故解脱，云何不承许。

4.由有不得脱，无不出三有，遍知有无事，大士当解脱。

5.未见真实性，慢执世涅槃，诸见真实者，不执世涅槃。

6.生死与解脱，二者皆非有：若了知生死，我说即涅槃。

7.于法生已坏，假名之为灭，如是诸善士，亦许如幻破。

8.若坏有所灭，非遍知有为，何者成现起，如何说证灭。

9.诸蕴若未灭，恼尽莫能脱，何时蕴尽除，彼即得解脱。

10.净智悟见后，无明缘所生，无论生与灭，众法皆不得。

11.见法实义已，能灭一切苦，若悟法性后，于此有差别。

12.事物微妙性，由因而观察，无有善巧故，不见缘起义。

13.尽烦恼比丘，若能脱苦海，为何释迦尊，不说此道行。

14.若有行必成，遍执一切见，一切皆缘起，何有前后际。

15.云何前已生，彼后复变灭，远离前后际，见情如幻化。

16.何时幻像生，何时当成灭，知幻非无明，离知幻则有。

17.生如阳焰幻，意若知其义，前际或后际，见中则无染。

18.若谁于有为，计实有生灭，彼等即不知，缘起轮所现。

- 19.若依彼彼生，即自性不生，若自性不生，云何得名生。
- 20.因尽而寂静，此乃尽之义；自性则无尽，尽名云何立。
- 21.无少法可生，无少法可灭，生起及灭道，为应而宣说。
- 22.知生故知灭，知灭故无常，由知无常性，亦能知正法。
- 23.诸了知缘起，远离于生灭，彼成就净见，即达彼岸者。
- 24.异生对事法，有无颠倒执，患故随恼转，自心受欺染。
- 25.事法善巧者，无常欺诳性，苦空及无我，是见寂灭相。
- 26.无住无所缘，无根亦无处，皆由无明生，断除为中道。
- 27.如芭蕉无实，如干挹婆城，痴闇永无尽，见此如幻现。
- 28.梵等与世间，所见极真实，大圣说彼妄，除彼岂有余。
- 29.世间痴闇覆，随有续流转，圣者离诸爱，其善呵能等？
- 30.于求实性者，初说诸法有，知义离断贪，后寂静灭相。
- 31.不知离相义，随闻即有著，此非集福业，凡愚令消损。
- 32.说诸业果有，有情无谬说，若了遍体性，亦显示无生。
- 33.依此殊胜理，佛说我我所、蕴处界等法，皆随众生器。
- 34.宣说大种事，皆是识所摄，彼离智所见，岂非皆颠倒。
- 35.若诸佛宣说，唯涅槃谛实，尔时诸智者，谁言余非倒。
- 36.若心有散乱，为诸魔作使，若如是于此，无患何不许。
- 37.正等觉宣说，无明缘世间，说世是分别，云何不应理。
- 38.若无明灭故，何者即当灭，是无明遍计，云何不显明。
- 39.何者具因生，无缘即无住，离缘故即灭，此有亦何得？

- 40.诸说实有者，执为胜事住，彼住此道故，无少分希有。
- 41.然依诸佛道，说一切无常，执取诸实有，安住此最劣。
- 42.顾此又顾彼，观后若无线，诤此或彼实，圣者何能说。
- 43.诸不许缘起，著我或世间，彼遭常无常，恶见等所劫。
- 44.若许缘起法，又许法有性，彼等由因患，云何能不违。
- 45.若法依缘生，犹如水中月，非实亦非倒，彼不被见夺。
- 46.若许有实事，决定生贪嗔，执怖暴恶见，从彼兴诤论。
- 47.彼因起诸见，无彼惑不生，若此正了知，见烦恼俱尽。
- 48.由谁了知彼，从缘生而现，缘生即无生，圣说最胜慧。
- 49.为除邪妄执，无实执为实，遍执及兴论，次第由贪生。
- 50.诸大德本性，无宗无所诤，彼尚无自宗，岂更有他宗。
- 51.获得法器已，散乱如毒蛇，自心速捉持，念失惑毒侵。
- 52.诸心有所住，惑毒岂不生，若时处于中，亦被惑蛇咬。
- 53.如愚真实想，见影然生贪，如是世间痴，障覆难知境。
- 54.诸法如影像，慧者知其义；眼虽见污泥，不为污泥染。
- 55.凡夫贪著色，中者离贪著，遍知色性相，具慧得解脱。
- 56.执净起贪著，不执则离贪，已见如幻士，寂灭证涅槃。
- 57.邪见现诸苦，一切烦恼源，有无为等观，达义即不起。
- 58.有处即有贪，亦有离贪故，无处之大士，无贪无离贪。
- 59.若见自性离，心能无动乱，能脱惑蛇揽，无尽大苦海。
- 60.此善愿众生，集修福智粮；获得由福智，所出二殊胜。

